

AZALERA HANDIETAKO ETA ELIKADURA KATE HANDIETAKO MERKATARITZA INDIZEA. 2022KO APIRILA


Euskal AEko azalera handietako eta elikadura-kate handietako salmentak % 2,3 jaitsi dira 2022ko apirilean

Aurreko hilabetearen aldean, ordea, salmentak % 1,8 gehitu dira

Eustatek landutako datuen arabera, 2022ko apirilean, Euskal AEko merkataritza-azalera handietako eta elikadura-kate handietako salmentak % 2,3 jaitsi dira 2021eko hil beraren aldean, prezio finkoetan eta lan-egutegiko baldintza homogeneotan.

2022ko martxoaren aldean, aldiz, prezio finkoetako salmenten bilakaera positiboa izan da, % 1,8ko igoerarekin urtaro-eraginik gabeko terminoetan.

Euskal AEko azalera handi eta elikadura kate handietako merkataritzaren indizearen urte-arteko aldakuntza-tasa. (%)



Iturria: Eustat. Merkataritza indizea azalera handietan eta elikadura kate handietan-AHEK

Urte arteko alderaketan, portaera desberdina izan da elikaduraren sektorean eta gainerako produktuetan. Hala, elikagaien salmentak % 9,6 jaitsi dira 2021eko apirilaren aldean, eta gainerako produktuenak % 15,5 igo, guztiak termino finkoetan.

2022ko martxoarekin alderatuta ere bilakaera desberdina izan da sektoreka: prezio finkoetako salmentek % 2,5 egin dute behera elikagaietan eta % 10,2 egin dute gora gainerako produktuetan.

Euskal AEko azalera handietako eta elikadura kate handietako merkataritzaren indizea. Urte arteko eta hilabete arteko aldakuntza-tasak (p). Apirila 2022

	Prezio finkoak		
	m / m-12	m / m-1	A (m) / A (m-12)
INDIZE OROKORRA lurralde historikoaren arabera			
Euskal AE	-2,3	1,8	-1,3
Araba/Álava	-5,6	-1,1	-2,6
Bizkaia	-0,5	4,5	0,1
Gipuzkoa	-4,0	-1,5	-3,3
INDIZE OROKORRA sektorearen arabera			
Janariak	-9,6	-2,5	-6,4
Gainerako produktuak	15,5	10,2	10,4
LANGILERIA-INDIZEA			
Euskal AE	2,0	0,4	3,6

(p) Behinbehineko datuak

m / m-12 Urteen arteko aldakuntza. Egutegi eraginak zuzendutako datuak

m / m-1 Hilabeteen arteko aldakuntza. Datu desestazionalizatuak

A(m)/A(m-12) Urtarmiletik hil korrientera arte metatutako aldiaren urte arteko aldakuntza-tasa, aurreko urteko aldi metatu beraren aldean

Data 2022ko Maiatzaren 30a

Iturria: Eustat. Merkataritza indizea azalera handietan eta elikadura kate handietan (AHEK)

Azalera handietako eta elikadura-kate handietako salmentak % 5,6 jaitsi dira Araban, % 4,0 Gipuzkoan eta % 0,5 Bizkaian, aurreko urtearen aldean. Aurreko hilabetearen aldean, prezio finkoetako salmentak % 4,5 igo dira Bizkaian; aldiz, Araban % 1,1 jaitsi dira, eta Gipuzkoan % 1,5.

2022ko lehenengo lau hilabeteetako metatuan, Merkataritza-azalera handietako eta elikadura-kate handietako salmenta-indizearen atzerakada % 1,3koa da, elikaduran metatutako salmenten % 6,4ko beherakadaren ondorioz; izan ere, apirilera arte metatutako salmentak % 10,4 igo dira gainerako produktuetan.

Lurraldeka, aurtengo aldakuntza metatua positiboa da Bizkaian, aurreko urteko aldi berean baino % 0,1 salmenta gehiago izan baitira. Araban eta Gipuzkoan, aldiz, aurtengo lehen lau hilabeteetako salmentak % 2,6 eta % 3,3 txikiagoak izan dira, hurrenez hurren.

Euskal AEko azalera handietako eta elikadura-kate handietako langile enplegatuak % 2,0 gehitu dira 2022ko apirilean, aurreko urteko hil beraren aldean. Aurreko hilaren, 2022ko martxoaren, aldean enplegua % 0,4 hazi da.

INFORMAZIO OHARRA

Urte arteko aldakuntzak kalkulatzeko, egutegi-eraginik gabeko serie zuzenduak erabiltzen dira, eta hilabete arteko aldakuntzak kalkulatzeko, urtaro-eraginik gabeko serieak.

Eustatek eskerrak eman nahi dizkie Azalera handietako eta elikadura-kate handietako merkataritza-indizea egiten lagundu duten establezimendu guztiei. Haiei esker, 2022ko apirileko indizea % **100,0ko estaldurarekin** kalkulatu da.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián kalea, 1 01010 Vitoria-Gasteiz

Prentsa-zerbitzua: servicioprensa@eustat.eus Tlf: 945 01 75 62